



Llywodraeth Cymru  
Welsh Government

## Y Grŵp Cynghorol ar Drethi

Nodiadau drafft ar y cyfarfod - 19 Gorffennaf 2016

---

**Cyfarfod y Grŵp Cynghorol ar Drethi  
19 Gorffennaf 2016  
Ystafell Gynadledda 24, Tŷ Hywel, Bae Caerdydd**

---

### Y Grŵp Cynghorol ar Drethi

Mark Drakeford AC, Ysgrifennydd y Cabinet dros Gyllid a Llywodraeth Leol (Cadeirydd)  
Andrew Evans, Geldards  
Frank Haskew, Sefydliad Cyfrifwyr Siartredig Cymru a Lloegr  
David Phillips, Y Sefydliad Astudiaethau Cyllid  
Robert Lloyd Griffiths, Sefydliad y Cyfarwyddwyr  
Leighton Jenkins ar ran Emma Watkins, Cydffederasiwn Diwydiant Prydain yng Nghymru  
Ben Cottam ar ran Janet Jones, Y Ffederasiwn Busnesau Bach  
Kay Powell, Cymdeithas y Cyfreithwyr  
Martin Warren, Sefydliad Cyfrifwyr Siartredig Cymru a Lloegr  
Ruth Marks, Cyngor Gweithredu Gwirfoddol Cymru (CGGC)  
Dr Victoria Winckler, Sefydliad Bevan  
Jon Rae ar ran Aaron Shotton, Cymdeithas Llywodraeth Leol Cymru (CLILC)

### Swyddogion yn bresennol

Andrew Jeffreys, Cyfarwyddwr Trysorlys Cymru  
Georgina Haarhoff, Pennaeth Polisi Trethi a Rheoli Deddfwriaeth  
Ed Sherriff, Pennaeth y Strategaeth Gyllidol  
Jo Berry, Swyddog Ymgysylltu a Chyfathrebu Strategol  
Ruth Leggett, Rheolwr Ymgysylltu a Chyfathrebu Strategol  
Lu Toscano Davies (Ysgrifenyddiaeth)



## Y Grŵp Cynghorol ar Drethi

Nodiadau drafft ar y cyfarfod - 19 Gorffennaf 2016

---

### **Croeso gan Ysgrifennydd y Cabinet dros Gyllid a Llywodraeth Leol**

1. Croesawodd Ysgrifennydd y Cabinet dros Gyllid a Llywodraeth Leol y rhai oedd wedi dod i wythfed cyfarfod Grŵp Cynghorol Trethi Cymru, ei gyfarfod cyntaf yn ei swydd newydd.

### **Materion yn codi**

2. Roedd y nodiadau ar gyfarfod blaenorol y Grŵp wedi cael eu dosbarthu i'r aelodau cyn y cyfarfod ac roedd yr holl gamau gweithredu wedi cael eu cyflawni. Cadarnhaodd y Grŵp fod y nodiadau'n grynodeb cywir o'r drafodaeth.

### **Y diweddaraf ar ddatganoli trethi, deddfwriaeth a blaenoriaethau diwygio cyllidol**

3. Nododd Ysgrifennydd y Cabinet effaith y refferendwm ar yr UE ar gyfrifoldebau datganoledig, a allai fod yn helaeth, ond tanlinellodd bwysigrwydd parhau i ganolbwyntio ar gyflawni agenda Llywodraeth Cymru. Rhoddodd Ysgrifennydd y Cabinet y wybodaeth ddiweddaraf i'r grŵp am bedwar maes gwaith allweddol:
  - Awdurdod Cyllid Cymru;
  - Treth Trafodiadau Tir a Threth Gwarediadau Tirlenwi;
  - fframwaith cyllidol;
  - strategaeth polisi trethi.

### Awdurdod Cyllid Cymru

4. Yn ddiweddar roedd Ysgrifennydd y Cabinet wedi cyhoeddi y byddai Awdurdod Cyllid Cymru'n casglu a rheoli'r Dreth Trafodiadau Tir a'r rhan fwyaf o'r Dreth Gwarediadau Tirlenwi gyda rhywfaint o gymorth gan Cyfoeth Naturiol Cymru. Pan fyddai Awdurdod Cyllid Cymru'n weithredol, byddai Cyllid a Thollau Ei Mawrhydi'n parhau i ddarparu arbenigedd trwy fenthyciadau a secondiadau.
5. Hefyd byddai Dyfed Alsop yn ymgymryd â swydd Cyfarwyddwr Cyflawni Awdurdod Cyllid Cymru yn y dyfodol agos iawn. Roedd y broses o benodi'r Cadeirydd ar y gweill, a châi'r swydd ei hysbysebu ym mis Medi. Disgwylid y byddai'r Cadeirydd yn ei swydd erbyn mis Ionawr 2017. Roedd digwyddiad brecwast yn cael ei drefnu i gynorthwyo â'r gwaith o recriwtio Cadeirydd a Bwrdd Awdurdod Cyllid Cymru. Byddai hyn yn rhoi cyfle i'r rheiny fyddai â diddordeb ddysgu mwy am Awdurdod Cyllid Cymru.

### Treth Trafodiadau Tir a Threth Gwarediadau Tirlenwi

6. Câi Bil Treth Trafodiadau Tir a Gwrthweithio Osgoi Trethi Datganoledig ei gyflwyno gerbron y Cynulliad yn yr hydref. Roedd y Bil yn ddarn mawr a chymhleth o



## Y Grŵp Cynghorol ar Drethi

Nodiadau drafft ar y cyfarfod - 19 Gorffennaf 2016

---

ddeddfwriaeth, ac roedd wedi cael ei gyhoeddi ar ffurf ddrafft cyn cael ei gyflwyno i roi cyfle i randdeiliaid ymgyswngwddo â'r cynnwys cyn i'r broses craffu ddechrau.

7. Roedd ymgynghoriad technegol wedi cael ei gyhoeddi i ofyn am farn ar gyfradd uwch ar gyfer eiddo ychwanegol.
8. Câl'r Bil hwn ei gyflwyno yn ddiweddarach yn yr hydref. Fel rhan o hyn, byddai Llywodraeth Cymru'n ceisio sefydlu cynllun cymunedau'r Dreth Gwarediadau Tirlenwi yn lle'r Gronfa Cymunedau Tirlenwi bresennol.

### Fframwaith cyllidol

9. Byddai Ysgrifennydd y Cabinet yn cyfarfod â Phrif Ysgrifennydd y Trysorlys cyn bo hir i gytuno ar gwmpas y trafodaethau ar fframwaith cyllidol newydd i Gymru. Roedd y meysydd i'w hystyried yn cynnwys gweithrediad hirdymor y cyllid gwaelodol a therfyn benthyca cyfalaf uwch.
10. Byddai Llywodraeth Cymru'n parhau i bwysu am i'r doll teithwyr awyr gael ei datganoli, fan lleiaf ar gyfer teithiau hir uniongyrchol, er mwyn sicrhau cydraddoldeb â Gogledd Iwerddon.

### Strategaeth polisi trethi

11. Dros y misoedd i ddod, byddai Ysgrifennydd y Cabinet yn datblygu strategaeth polisi trethi i Gymru. Gwahoddodd aelodau'r Grŵp i roi unrhyw feddyliau cynnar.

### **Blaenoriaethau'r aelodau o ran trethi**

12. Bu aelodau'r Grŵp yn trafod a rhannu eu barn gydag Ysgrifennydd y Cabinet. Roedd y materion a godwyd gan yr aelodau'n cynnwys:
  - yr angen am symlrwydd, eglurder a hygyrchedd wrth ddatblygu polisi trethi datganoledig, pwysigrwydd consensws, cymuned a chyfathrebu, a sicrhau caniatáu digon o amser i baratoi ar gyfer newid;
  - cynigiodd aelodau gymorth i helpu i sicrhau bod amrywiaeth fawr o bobl yn ymwybodol o'r broses ymgeisio am swyddi cadeirydd a bwrdd Awdurdod Cyllid Cymru ac i annog amrywiaeth o sgiliau, profiadau a chefnidiroedd;
  - byddai angen i Awdurdod Cyllid Cymru roi pwyslais ar wasanaeth cwsmeriaid, gan gynnwys prosesau trethi o'r ansawdd gorau, gan ddefnyddio arbenigedd Cyllid a Thollau Ei Mawrhydi;



## Y Grŵp Cyngorol ar Drethi

Nodiadau drafft ar y cyfarfod - 19 Gorffennaf 2016

---

- roedd angen i ddeddfwriaeth trethi Cymru a Lloegr gyd-fynd yn agos, gan atal cyfleoedd i ddefnyddio bylchau;
  - pwysigrwydd sefydlu fframwaith cyllidol teg i Gymru.
13. Rhoddodd Dr Winckler y wybodaeth ddiweddaraf i'r aelodau am y gwersi a ddysgwyd o adroddiad terfynol Sefydliad Bevan ar drethi datganoledig newydd posibl i Gymru, a gyhoeddwyd ym mis Mehefin.
14. Cytunodd Ysgrifennydd y Cabinet fod cyfathrebu'n thema allweddol a chroesawodd y cynigion gan aelodau i ledu negeseuon trwy eu sianelau. Tanlinellodd yr angen i gael yr agweddau ymarferol ar y prosesau trethi'n iawn, a rôl bwysig Awdurdod Cyllid Cymru yn y gwaith o gyflawni hyn.

### Unrhyw fusnes arall

15. Ni chodwyd unrhyw eitemau o dan unrhyw fusnes arall.
16. Diolchodd Ysgrifennydd y Cabinet i'r aelodau am eu cyfraniadau defnyddiol ac adeiladol. Câi'r cyfarfod nesaf ei gynnal yn yr hydref.